

НЭГДҮГЭЭР ХЭСЭГ

Санамж: Хариултын хуудасны заавартай сайтар танилцана уу.

- Энэхүү хэсэг нь 40 сонгох даалгавар, нийт 80 оноотой.
- Даалгавар бүр 5 сонгох хариулттай бөгөөд зөвхөн нэгийг сонгоорой.
- Сонгосон хариултаа хариултын хуудсанд будаж тэмдэглээрэй.
- Эхийг анхааралтай уншиж ойлгоод, даалгаврыг гүйцэтгээрэй.
- 1-13 дугаар даалгаврыг эхийн утга санаатай холбон ажиллаарай.

Сэтгэлийн хүч (эсээ)

Хүч чадал гэхэд биеийн хүч, тамир тэнхээ л нэн түрүүнд яригддаг. Хүнд байдаг илүү их хүч бол сэтгэлийн тэнхээ. Монголчууд “Биеийн бөхөөр ганцыг дийлнэ, сэтгэлийн бөхөөр мянгыг дийлнэ” гэж хэлэлцдэг. Сэтгэлд хүч тэнхээ, хурд, шид, нууц агуулагдаж байдаг нь маргаангүй үнэн. Түүнийгээ ашиглавал хүндийг өргөж, хэцүүг давж, өвчнийг тэсвэрлэн эдгэрч чадна. Харин хатгүй бол үг даахгүй санаагаар унахаас эхлээд бэрхээс шантарч, амьдралд сөхөрдөг.

Сэтгэлийн хүчээ зөв залж чадвал, гараар бариагүйг барьж, нүдээр үзээгүйг үзэж, хамраар үнэрлээгүйг үнэрлэж, чихээр сонсоогүйг сонсож чадна. Хүчтэй сэтгэл нь юуг ч хийнэ, бүтээнэ, дийлнэ. Иймээс сэтгэлийн хүчийг жингийн туухайгаар хэмжиж боломгүй. “Сэтгэлд гал байвал зууханд гал олдоно” хэмээн М.Цэдэндорж найрагчийн бичсэнээр илч дулаантай, гэрэл гэгээтэй сэтгэл нарны цацрагтай адил. Харин санаа тогтворгүй, үлбэгэр, харимхай сэтгэлээс ажлын бүтээмж үл гарна. Сэтгэлийн бядгүй бол буруу муу үйлд өртөх нь ч бий, муу үйл хийх нь ч бий. Бурхны шашны үзэл номлолоор хүнд 8084 сэтгэл буй гэдэг. Ийм олон сэтгэл хүнд байдаг гэхээр гайхмаар... Түүний дотроос муу сэтгэлийн адгийн нь уур, мунхаг, шунал болой. Үр үндэс нь нүгэл хилэнц ажээ. Гэхдээ эмтэрсэн сэтгэл засардаг. Хүнд 404 өвчин тусдаг гэж уламжлалт анагаах ухаан үздэг. Үүнээс 100 нь эм тан, элдэв заслаар бус сэтгэл санаагаар эдгэрдэг байна. Ерөндөг нь ердөө л эв зетэй харилцаа, эерэг зөөлөн уур амьсгал, зөв үйл, зүйтэй үгс ажээ. Үүнийг орчин үеийн анагаах ухаанд үгэн эмчилгээ буюу сэтгэл заслын эмчилгээ гэдэг. Энэ нь сэтгэлийн хүчийг нэмж, өвчнийг илаарьшуулж байгаа хэрэг.

Хүнд сайн муу хоёр сэтгэл хослон оршиж, сөргөлдөн тэмцэхдээ зөв сэтгэл давамгайлсаар иржээ. Хүний сэтгэлийг зөвтгөх, муутгах нь хүрээллийн хүмүүсээс их хамаарна. Жишээлбэл: Мөс шиг хүйтэн үг чулуудвал сэтгэлийн ир нь мохож элэгдэнэ, сайхан үг хэлбэл ирлэгдэж, урам зориг орно. “Сайхан үг сарын хүнс” гэдэг ардын үг бий. Хүн сэтгэлээрээ, шувуу жигүүрээрээ амьдарна.

Сэтгэлийн хүч чухам хаанаас гарна вэ? Юунаас сульдана вэ? “Сэтгэл баярлахаасаа гомдох нь, жаргахаасаа зовох нь, уярахаасаа хатуужих нь, тэнийхээсээ явцуурах нь, дэвтэхээсээ хагсах нь, сэргэхээсээ сэвтэх нь сэтгэлд илүү хүч тэнхээ өгнө” гэж зохиолч Д.Урианхай дүгнэжээ. Сэтгэлийн хүчээ байнга цэнэглэж байх аваас зовлонг дааж, жаргалд ташуурахгүй тэгш амьдрахын үндэс болно.

Сэтгэл нь галтай, итгэл нь хүчтэй, муу санаагүй, мунхаг ухаангүй бол гэгээн, гэрэлтэй, сэтгэлийн тэнхээтэй хүн дээ.

Д.Баттогтох

1. Эхэд буй үгсийг утгатай нь зөв тохируулаарай.

- | | |
|-------------|-------------------------------|
| 1. туухай | a. тамир тэнхээ |
| 2. жин | b. муу юмыг номхотгон дийлэгч |
| 3. ерөндөг | c. хүнд, хөнгөний хэмжүүр |
| 4. харимхай | d. буцааж татах чанар |
| 5. бяд | e. хэмжээтэй төмөрлөг зүйл |

A. 1e, 2c, 3d, 4a, 5b

B. 1e, 2c, 3b, 4d, 5a

C. 1e, 2b, 3c, 4d, 5a

D. 1b, 2c, 3e, 4a, 5d

E. 1d, 2a, 3b, 4e, 5c



2. Эсээний хөтөч санаа аль вэ?

- A. Хүч чадал гэхэд биеийн хүч, тамир тэнхээ л яригддаг.
- B. Сэтгэлийн хүчийг жингийн туухайгаар хэмжиж боломгүй.
- C. Сэтгэлийн хүчийг нэмж, өвчнийг илаарьшуулдаг.
- D. Хүнд байдаг илүү их хүч бол сэтгэлийн тэнхээ.
- E. Хүн сэтгэлээрээ, шувуу жигүүрээрээ амьдарна.

3. “Хүчтэй сэтгэл нь юуг ч хийнэ, бүтээнэ, дийлнэ” гэжээ. Тэгвэл сэтгэлийн хүчийг юу ирлэх вэ?

- A. сэтгэлийн бяд
- B. элдэв засал
- C. эм тан
- D. зөв үйл
- E. сайхан үг

4. Зохиогчийн үзэл бодол бүхий өгүүлбэрийг сонгоорой. Ингэхдээ дараах тодорхойлолтыг ашиглаарай.

Мэдрэмж	Дүгнэлт	Үзэл бодол
Таван мэдрэхүйд мэдрэгдсэн зүйл	Хурааж нэгтгэсэн баталгаа	Санаанд илрэх санал

- A. Сэтгэлийн хүчийг нэмж, өвчнийг илаарьшуулж байгаа хэрэг.
- B. Мөс шиг хүйтэн үг чулуудвал сэтгэлийн ир нь мохож элэгдэнэ.
- C. Бурхны шашны үзэл номлолоор хүнд 8084 сэтгэл буй гэдэг.
- D. 100 нь эм тан, элдэв заслаар бус сэтгэл санаагаар эдгэрдэг байна.
- E. Санаа тогтворгүй, харимхай сэтгэлээс ажлын бүтээмж үл гарна.

5. “Сэтгэлийн хүчээ ашиглавал хүндийг өргөж, хэцүүг давж, өвчнийг тэсвэрлэн эдгэрч чадна” гэсний учир юу вэ?

- A. Хүнд сайн муу сэтгэл хослон оршиж, сөргөлдөн тэмцдэг учраас
- B. Эерэг зөөлөн уур амьсгал, зөв үйл, зүйтэй үг нь сэтгэл засдаг учраас
- C. Орчин үеийн анагаах ухаанд сэтгэл заслын үгэн эмчилгээ ашигладаг учраас
- D. Сэтгэлд хүч тэнхээ, хурд, шид, нууц агуулагдаж байдаг учраас
- E. Хүний сэтгэлийг зөвтгөх муутгах нь хүрээллийн хүмүүсээс хамаардаг учраас

6. “Биеийн бөхөөр ганцыг дийлнэ, сэтгэлийн бөхөөр мянгыг дийлнэ” гэсэн санааг батлах нь аль вэ?

- A. Сэтгэлийн бядгүй бол буруу муу үйлд өртөнө.
- B. Сэтгэлийн хүчээр хүндийг өргөж, хэцүүг давна.
- C. Сэтгэл рүү нь хүйтэн үг чулуудвал ир нь мошно.
- D. Сэтгэлийн хүчийг жингийн туухайгаар хэмжиж боломгүй.
- E. Сэтгэлийн хүчээ зөв залбал чихээр сонсоогүйг сонсоно.

7. Сэтгэлийн хүчээ байнга цэнэглэснээр яах вэ?

- A. жаргалд ташуурахгүй байна
- B. тэгш амьдарна
- C. зовлонг дааж сурна
- D. сэтгэлдээ сэвгүй байна
- E. сэтгэл ирлэгдэнэ

8. Эсээнд ямар асуудлыг дэвшүүлсэн байна вэ?

- A. Сэтгэлийн бядгүй бол муу үйлд өртдөг тухай
- B. Сэтгэлийн хүчээ зөв залдаг байх тухай
- C. Сэтгэлийн хүч хэмээгчийн тухай
- D. Хүнд сайн муу сэтгэл хослон оршдог тухай
- E. Зарим өвчин сэтгэл санаагаар эдгэрдэг тухай



9. Гол санааг илэрхийлэх өгүүлбэр аль вэ?

- A. Эмтэрсэн сэтгэл засардаг ба ерөндөг нь эв зетэй харилцаа, эерэг зөөлөн уур амьсгал, зөв үйл, зүйтэй үгс.
- B. Сэтгэлд хүч тэнхээ, хурд, шид, нууц агуулагдаж байдаг нь маргаангүй үнэн.
- C. Хатгүй бол үг даахгүй санаагаар унахаас эхлээд шантарч, амьдралд сөхөрдөг.
- D. Хүнд сайн муу хоёр сэтгэл хослон оршиж, сөргөлдөн тэмцэхдээ зөв сэтгэл давамгайлсаар иржээ.
- E. Сэтгэлийн хүчээ байнга цэнэглэж байх аваас зовлонг дааж, жаргалд ташуурахгүй тэгш амьдрахын үндэс болно.

10. Аливаа зүйлийн мөн чанарыг аажмаар өсгөн дүрсэлж, хүч нэмэн ахиулсан ахиулал бүхий хэсгийг олоорой.

- A. Хүчтэй сэтгэл нь юуг ч хийнэ, бүтээнэ, дийлнэ. Иймээс сэтгэлийн хүчийг жингийн туухайгаар хэмжиж боломгүй.
- B. Сэтгэлд хүч тэнхээ, хурд, шид, нууц агуулагдаж байдаг. Түүнийгээ ашиглавал хүндийг өргөж, хэцүүг давж, өвчнийг тэсвэрлэн эдгэрч чадна.
- C. Түүний дотроос муу сэтгэлийн адгийн нь уур, мунхаг, шунал болой. Үр үндэс нь нүгэл хилэнц ажээ.
- D. Бурхны шашны үзэл номлолоор хүнд 8084 сэтгэл буй гэдэг. Ийм олон сэтгэл хүнд байдаг гэхээр гайхмаар...
- E. Хүнд сайн муу хоёр сэтгэл хослон оршихдоо зөв сэтгэл давамгайлсаар иржээ. Хүний сэтгэлийг зөвтгөх, муутгах нь хүрээллийн хүмүүсээс хамаарна.

11. “Хүч чадал гэхэд биеийн хүч, тамир тэнхээ л нэн түрүүнд яригддаг” өгүүлбэрийг салаалан хувиргасан нь аль вэ?

- A. Хүч чадал гэхэд биеийн хүч л нэн түрүүнд яригддаг.
- B. Хүч чадал гэхэд биеийн хүч, тамир тэнхээ л нэн түрүүнд яригддаг билээ.
- C. Хүч чадал гэхэд биеийн хүч, тамир тэнхээ л хамгийн эхэнд яригддаг.
- D. Хүч чадал гэхэд, тамир тэнхээ, биеийн хүч л нэн түрүүнд яригддаг.
- E. Хүч чадал гэхэд тамир тэнхээ л нэн түрүүнд яригддаг.

12. “Санаа тогтворгүй, үлбэгэр, **харимхай** сэтгэлээс ажлын бүтээмж үл гарна” өгүүлбэр дэх “харимхай” гэсэн үг аль үгтэй холбогдож, ямар утгаар орсон бэ?

- A. “сэтгэлээс” гэсэн үгтэй холбогдож, харьяаны утгаар
- B. “сэтгэлээс” гэсэн үгтэй холбогдож, чанарын утгаар
- C. “сэтгэлээс” гэсэн үгтэй холбогдож, шинжийн утгаар
- D. “үл гарна” гэсэн үгтэй холбогдож, чанарын утгаар
- E. “үл гарна” гэсэн үгтэй холбогдож, шинжийн утгаар

13. “Сайн муу хоёр сэтгэл сөргөлдөн тэмцэхдээ зөв сэтгэл давамгайлсаар иржээ” өгүүлбэрийг зөв тодорхойлсон нь аль вэ?

- A. Шууд бус тусагдахуун гишүүн өгүүлбэртэй угсарсан нийлмэл өгүүлбэр
- B. Байц гишүүн өгүүлбэртэй угсарсан нийлмэл өгүүлбэр
- C. Шууд тусагдахуун гишүүн өгүүлбэртэй угсарсан нийлмэл өгүүлбэр
- D. Тодотгол гишүүн өгүүлбэртэй угсарсан нийлмэл өгүүлбэр
- E. Харилцан угсарсан нийлмэл өгүүлбэр

14. “Сайхан үг хэл**бэл** урам зориг орно” өгүүлбэрийг цагийн утгатай болгоход аль нөхцөл тохирох вэ?

- A. -хлээр
- B. -мэгц
- C. -сээр
- D. -ээд
- E. -ж



15. “Орж ирсэн гурвын **хоёрыг нь** урьд өмнө огт үзээгүй хүмүүс байв” өгүүлбэрийн “**хоёрыг нь**” хэмээх үг ямар үгсийн аймгийн үүргээр орсон бэ?

- A. жинхэнэ нэрийн B. тэмдэг нэрийн C. орон цагийн нэрийн
D. төлөөний үгийн E. тооны нэрийн

16. Идэвхгүй язгуураас бүтсэн үгийг олоорой.

- A. цавуугаар **наана** B. замын **наана** C. оньсого **таана**
D. хөмөл **таана** E. туулай **хөөнө**

17. “гутал” хэмээх үгийг нутгийн аялгуутай нь зөв харгалзуулсныг олоорой.

- a. годоho 1. ойрад
b. госн 2. буриад
c. готол 3. баяд
A. a2, b1, c3 B. a1, b3, c2 C. a3, b1, c2
D. a2, b3, c1 E. a3, b2, c1

18. Бүлэг үгийн бүтээврийн үүргийг ажиглаад, дарааллаараа тохирохыг сонгоорой.

<i>алтан</i>	<i>цомбон</i>	<i>гахайн</i>
<i>мөнгөн</i>	<i>шовон</i>	<i>хангайн</i>
<i>элсэн</i>	<i>оцон</i>	<i>ойн</i>
.....		

- A. шувтан, зайн, модон B. модон, зайн, шувтан C. модон, шувтан, зайн
D. шувтан, модон, зайн E. зайн, шувтан, модон

19. Үргэлжлэн холбох нөхцөлтэй хэсгийг олоорой.

- A. Өөх харахлаар зүрх ханах.
B. Нүдийг хужирлаж, сэтгэлийг догдлуулах.
C. Жаргалтай боловч орондоо бүү дуул.
D. Хуурсаар хуурсаар худалч.
E. Үүдээр хөөгдөөд өрхөөр шагайх.

20. “Сайхан газар **аял+сан+аа дурс+чих+аар** ахиад очмоор санагдах юм” өгүүлбэр дэх бүтээврийн нийлцийг зөв бичсэн нь аль вэ?

- A. аялснаа, дурсчхаар B. аяласнаа, дурсчхаар C. аялсанаа, дурсчихаар
D. аяласнаа, дурсчихаар E. аялснаа, дурсчихаар

21. “Эгшигт гийгүүлэгчийг зөөлрүүлсэн “ь”-ийн дараа заримдаг гийгүүлэгч орвол “ь” хэвээр байна” дүрэмд тохирох үгийг сонгоорой.

- A. авьяас B. товъёг C. гавьяа D. хольц E. тохьгүй

22. Д.Намдагийн “Хөгшин чоно ульсан нь” өгүүллэгийн гол санааг зөв нөхөөрэй.

Чонын амьдралын өшөө хорсол, хайр сэтгэл, баяр гуниг, үржил хорогдол, тэмцэл зэргээр ертөнцийн..... тойрч гажиж болдоггүйг харуулжээ.

- A. амьдралын төлөөх, жам ёсноос B. амьдралын төлөөх, учрал тохиолоос
C. амьд үлдэх, аж амьдралаас D. ухрах няцах, жам ёсоос
E. өл залгуулах, жаргал зовлонгоос

23. Д.Намдагийн “Хөгшин чоно ульсан нь” туужийн “Уг газрын байдал хангай говийн зааг, нам доор газар бөгөөд Дулаан хайрхан хэмээх гурван хэсэг огцом оргилтой уул өмнөө байгаа Тарагтын тал гэгчийг нам тайвнаар ширтэнэ...” хэсэг зохиомжийн аль бүрэлдүүлбэрт хамаарах вэ?

- A. хөрөг дүр B. дотоод яриа C. харилцан яриа
D. үглэл яриа E. байгалийн зураглал



24. Ч.Лодойдамба “Тунгалаг Тамир” романы “Хуяг Олноо өргөгдсөний хоёрдугаар онд Богд Жавзандамба хааны цэрэгт дайчлагдаж, хар цэргийн түрэмгийллийг эсэргүүцсэн өмнө зүгийн тулаанд Хатанбаатар Магсаржавын даргалж байсан цэрэгт явжээ” хэсэгт ямар хам сэдэв дүрслэгдсэн байна вэ?

- A. “Олноо өргөгдсөний он, Богд Жавзандамба хаан” зэрэг үг хэллэгээр илэрсэн тул шашны
- B. “Олноо өргөгдсөний он, Богд Жавзандамба хаан, Хатанбаатар Магсаржав” зэрэг үг хэллэгээр илэрсэн тул улс төрийн
- C. “хар цэргийн түрэмгийлэл, өмнө зүгийн тулаан, цэрэгт дайчлагдах” зэрэг үг хэллэгээр илэрсэн тул нийгмийн
- D. “Олноо өргөгдсөний он, Богд Жавзандамба хаан, Хатанбаатар Магсаржав” зэрэг үг хэллэгээр илэрсэн тул түүхийн
- E. “цэрэгт дайчлагдах, Хатанбаатар Магсаржав, даргалж явсан” зэрэг үг хэллэгээр илэрсэн тул соёлын

25. Ч.Лодойдамба “Тунгалаг Тамир” романы “Чи энэ чулуу шиг эдээрээ жинс хийгээд зарвал одоо үед хар ялаа шиг олон болж байгаа ван, бэйл, бэйс, гүнгүүд үнэтэй авах байсан даа” гэсэн Итгэлтийн үгээс дүрийн ямар зан араншин илэрч байна вэ?

- A. нойр хоолоо мартсан
- B. оготнын нүхээр багтсан
- C. нүдээ өгөх шахсан
- D. дөргүй бух мэт
- E. амилсан чөтгөр мэт

26. Б.Лхагвасүрэн “Тамгагүй төр” жүжигт:

“Чиний дэргэд

Цаадах чинь нялх

Цадсан болхи шүү дээ, хаантан минь” гэхэд

“...Хүний нүд жавраар хайрсан

Хүүтэй юм байна, чи бид хоёр” гэж хэлдэг. Энэ нь хэн хэний харилцан яриа вэ?

- A. Эгэрэг, Гүргэлийн
- B. Эгэрэг, Цэцэрийн
- C. Цэцэр, Арчугийн
- D. Гүргэл, Арчугийн
- E. Гүргэл, Ачирын

27. Б.Лхагвасүрэн “Тамгагүй төр” жүжгийн “Цэцэр ганцаар үлдэн нэлээд хавчиж байснаа, хоёр хүүхдийг сольсноо, тэвчиж чадахгүй дахин буцаана. Тэгснээ дахин сольж, бага хатны хүүхдийг тэврэн авахад хүүхэд нь часхийн уйлна” хэсгээс дүрийн дотоод орчныг тодорхойлно уу.

- A. хулгаж хулчийсан
- B. айж балмагдсан
- C. сандарч мэгдсэн
- D. гуниглаж санааширсан
- E. эргэлзэж тээнэгэлзсэн

28. Ц.Чимиддорж “Сэлбэ” шүлгийн

“Газрын хөх судас бүдэг бадагхан цохилно

Гал дундуур урсах мэт бөг бөг шогшино” шад дахь “**бүдэг бадагхан**” хэмээх үгийг өөр үгээр солин найруулбал оновчтой нь аль вэ?

- A. чимээ аниргүйхэн
- B. үл ялигхан
- C. түг түгхэн
- D. сув сулхан
- E. нам гүмхэн

29. Ц.Чимиддорж “Сэлбэ” шүлгийн

“Дүүрэн Сэлбэ биднийг ширгэтлээ сэлбэлээ

Дүнжингаравын хамаатан ус цусанд минь аслаа

Аз жаргалын диваажин сууцны чинь паалан хананы

Асуултын тэмдэг шиг цоргоноос нулимс болон дусалж байна” бадгийн холбоцыг тодорхойлоорой.

- A. тэгш холбоц
- B. салаавчлах холбоц
- C. хаших холбоц
- D. зэрэгцэх холбоц
- E. сөөлжүүлэх холбоц



36.

<>dearX- >>
 <>dearX- >>
 <>dearX- >>

A. <>dearX- >>

B. <>dearX- >>

C. <>dearX- >>

D. <>dearX- >>

E. <>dearX- >>

37.

Монгол
 Монгол
 Монгол

A. Монгол

B. Монгол

C. Монгол

D. Монгол

E. Монгол

38.

Монгол
 Монгол
 Монгол

A. Монгол

B. Монгол

C. Монгол

D. Монгол

E. Монгол

39.

Монгол
 Монгол
 Монгол

a. Монгол

b. Монгол

c. Монгол

1. Монгол

2. Монгол

3. Монгол

гүрээ

хүрээ

гөрөө

A. a2, b1, c3

B. a1, b3, c2

C. a3, b1, c2

D. a2, b3, c1

E. a3, b2, c1

40.

<>амбулатори>>
 <>амбулатори>>
 <>амбулатори>>

A. <>амбулатори>>

B. <>амбулатори>>

C. <>амбулатори>>

D. <>амбулатори>>

E. <>амбулатори>>



ХОЁРДУГААР ХЭСЭГ

- Энэхүү хэсэг нь 3 даалгавар, нийт 20 оноотой.
- Харгалзааг зөв тогтоож, тохирох хариуг будаарай.
- Зөв харгалзуулсан хариулт бүр 1 оноотой.

2.1. Хэлц ба хэлц бус өгүүлбэрийг жишээтэй нь харгалзуулаарай. (a, b, c, d, e, f мөр бүрд нэг хариулт тааруулаарай. 1, 2 дугаарт байгаа нэр томьёо давхцаж болно.)

a. Нэг сэрвэл үүр хаяарч, чийг үнэртсэн хүйтэн салхи баруун хойноос үлээж байв. b. Нойтон сормуустай балчир чи минь юу идэх билээ. c. Адуу хөөн үргэлж холхин, өргөн говийг туулах тийм амар хэрэг биш. d. Жав гуайн голтой байгаагийн ганцхан утга учир л түүнд байна. e. Энэ юу л бол доо. Ус үзэлгүй гутал тайлж, юмны түрүүнд хэрэг ч үгүй хэлж орхив уу даа. f. Айхавтар гар чангатай ах дүү хоёр байлаа. Адалж хүмүүс тэднийг харамчийнхан гэдэг байлаа.	1. Хэлц өгүүлбэр 2. Хэлц бус өгүүлбэр
--	---

2.2. Ч.Лодойдамба “Тунгалаг Тамир” романы дүрийг, хэлсэн үг хэллэгтэй нь зөв харгалзуулаарай. (a, b, c, d, e, f, g, h мөр бүрд нэг хариулт тааруулаарай. 1, 2, 3 дугаарт байгаа дүр давхцаж болно.)

a. - Чи намайг загнадаг байсан, тийм үү? Одоо загнаж чадахгүй. Хэрэв чи загнавал би Дорж гуайд хэлж орхино. b. - Дамшиг минь идэх гээд эрхийгээ, долоох гээд долоовроо идчих вий дээ. c. - Шувуунд нисэж яваад үхэх сайхан гэдэг. Надад ингэж яваад үхэх сайхан. d. - Чоно хонь барьж байхад салгадаг байхад хүн барих гэж байхад салгахгүй яах вэ. e. - Яг л ирэх зуны дунд сарын арван наймны сар гарах үед би дөрвөн хос морьтой энд зогсож байна. f. - Алтан нар шиг гялалзаж, мөнгөн сар шиг мэлтэлзэж байна даа. Эзэн минь, төрийн сүлд минь. g. - Би ардын засгийн ачаар саах үнээтэй, унах морьтой, идэх хоньтой болсон. h. - Цаана чинь ядарсан монгол ах дүү нар байхад хуваагаад идэж болох нутгийг харамлах хэрэггүй юм шүү, Итгэлт минь.	1. Төмөрийн үг 2. Нямаагийн үг 3. Галсангийн үг
---	---

2.3. Үгсийг дүрсээр ялган, утгатай нь зөв тохируулаарай. (a, b, c, d, e, f мөр бүрд нэг хариулт тааруулаарай. 1, 2, 3, 4 дугаарт байгаа үгс давхцаж болно.)

a. хөөр (баяр)	1.	2.	3.	4.
b. хөөр- (дээш)	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ
c. хөөр- (ярих)	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ
d. хүр (хорхой)	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ
e. хүр- (үйл үг)	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ
f. гөр- (гээг)	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ	ᠬᠡᠭᠡᠷ

